

## **MBSB BANK MENGIMARAHKAN BULAN RAMADAN DENGAN PELBAGAI PROGRAM AMAL**

**PETALING JAYA, 19 April 2023** – Bagi mengimarahkan bulan Ramadan yang penuh keberkatan serta merapatkan ukhuwah bersama masyarakat, MBSB Bank Berhad (MBSB Bank) yang merupakan institusi perbankan patuh Syariah telah menyalurkan bantuan bagi menyantuni mereka yang memerlukan.

Program Ramadan 2023 dijalankan pada tahun ini memberi tumpuan kepada golongan asnaf yang merangkumi anak-anak yatim, mereka yang memerlukan penghuni rumah-rumah kebajikan dan juga ibu tunggal.

Baru-baru ini, MBSB Bank telah menceriakan 100 anak-anak yatim asnaf dengan menganjurkan aktiviti membeli belah untuk pakaian Hari Raya. Mereka adalah penghuni dua pusat kebajikan iaitu, Pertubuhan Kebajikan Anak Yatim dan Asnaf Teratak Ummi di Gombak and Pertubuhan Kebajikan Asnaf Al-Barakah di Keramat. Mereka turut menerima duit raya daripada Ketua Pegawai Eksekutif Kumpulan MBSB Bank, Datuk Nor Azam M. Taib.

Keterangan tertera dia wajah mereka sewaktu membeli belah di MYDIN Hypermarket, Subang Jaya, bersama-sama warga kerja MBSB Bank yang hadir sebagai sukarelawan.

Menurut Datuk Nor Azam, “Setiap kali Ramadan menjelang, kami akan menganjurkan sesuatu yang menarik untuk anak-anak yatim. Contohnya, pada tahun-tahun sebelumnya, kami menganjurkan majlis berbuka puasa. Tetapi untuk kelainan, tahun ini kami membawa anak-anak membeli belah di MYDIN, kerana kami tahu aktiviti ini amat dinanti-nantikan oleh mereka.”

Tambah beliau lagi, “Program Ramadan ini selari dengan peranan kami sebagai sebuah institusi perbankan Islam yang mengutamakan kesejahteraan masyarakat dan pada masa yang sama memiliki elemen nilai teras MBSB Bank iaitu rendah diri dan beretika.”

Penganjuran Program Ramadan juga turut dimanfaatkan oleh penghuni dan pengusaha rumah-rumah kebajikan di mana kami menyalurkan sumbangan makanan, peralatan rumah dan barang elektrik berjumlah RM420,000.00 kepada 14 rumah kebajikan yang berlokasi di Selangor, Johor, Kelantan, Terengganu, Perlis, Sabah dan Sarawak.”

Norazmah Bakar, Setiausaha Eksekutif Pertubuhan Kebajikan Baiturrahmah, di Kuching, Sarawak menzahirkan perasaan syukur beliau apabila menerima bantuan itu dan berkata, “Pihak kami amat berbesar hati dan sangat bergembira atas sumbangan tersebut dan berdoa agar MBSB Bank serta seluruh kakitangan mendapat barakah dan kejayaan dunia dan akhirat.”

Dalam pada masa yang sama, program pengagihan paket makanan serta keperluan asas MBSB Bank, yang dikenali sebagai MBSB Bank ‘Box of Care’ juga bergerak aktif sepanjang bulan Ramadan. Antara penerima ‘Box of Care’ di Kuala Lumpur adalah 100 ibu tunggal di Taman Rasmi Jaya, Ampang dan juga 750 penduduk di Projek Perumahan Rakyat (PPR) di Kuala Lumpur seperti PPR Sri Pantai, PPR Pantai Ria, PPR Kerinchi.

Salah seorang penduduk PPR Kerinchi yang telah menerima ‘Box of Care’, Azura Ibrahim, berkongsi pengalaman beliau menerima bantuan dari MBSB Bank dengan berkata “PPR ini mempunyai enam blok dan kesemua penduduk telah menerima bantuan dari MBSB Bank sempena Ramadan dan Hari Raya. Saya sebagai wakil mengucapkan jutaan terima kasih kepada MBSB Bank.”

Pemberian ‘Box of Care’ juga disalurkan kepada 35 pelajar-pelajar asnaf di beberapa sekolah di Kuching, Sarawak.

-Tamat-

Untuk pertanyaan media, sila hubungi:

Nik Surina Suria Nik Abdullah Jabatan Pemasaran & Komunikasi Korporat Bahagian Strategi Korporat MBSB Bank Berhad E: niksurina@mbsbbank.com P: 013 367 6488	Najihah Sani Jabatan Pemasaran & Komunikasi Korporat Bahagian Strategi Korporat MBSB Bank Berhad E: niksurina@mbsbbank.com P: 03 7455 5567
--	---

**Mengenai MBSB Bank**

MBSB Bank Berhad (MBSB Bank) merupakan sebuah Bank Islam sepenuhnya di Malaysia yang menyediakan kemudahan perbankan patuh syariah kepada pelanggan runcit, perusahaan kecil sederhana (PKS) dan korporat. MBSB Bank, melalui keupayaan digitalnya, juga memperluaskan saluran pengedarannya melalui perkhidmatan dalam talian seperti perbankan mudah alih dan cawangan maya. Untuk maklumat lanjut, layari [www.mbsbbank.com](http://www.mbsbbank.com)